



春秋非左

坤

口 12
3008
2 止

5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 55 6

12
3008
2



春秋非左卷下

鈴木文庫

庄内

深谷

成公 凡二十八條

元年三月作丘甲傳不詳其法若使丘明作傳

此類自當了然

二年四月丙戌衛孫良夫帥師及齊師戰于新築衛師敗績傳謂衛伐齊非也新築衛地也衛師未出境與齊戰何爲伐齊蓋齊侵魯乘

勝伐衛戰于衛地也不書齊伐者蒙上伐我之文戰于新築則齊師過魯入衛境矣。

十一月丙申公及楚人秦人宋人陳人衛人鄭人齊人曹人邾人薛人鄫人盟于蜀傳曰不名匱盟也于是乎畏晉而竊與楚盟故曰匱盟非也十國大夫而皆名則瑣矣他會皆然何獨此為畏晉畏非春秋所譏也是會也楚共王幼不行陳蔡二君亦幼乘楚子戎車不書陳蔡未與盟也傳謂乘楚車為失位故不

列于諸侯皆鑿說也

晉敗齊師于鞌齊使賓媚人賂晉曰五霸之霸也勤而撫之按成公時太桓文未遠也五霸尚未終不應豫稱五霸此為後世語甚明杜元凱遠引夏商豕韋昆吾等解終不悟傳之今為後人作也

晉侯使鞌朔獻齊捷于周定王與之宴而私賄三之且告之曰非禮也勿籍夫周自平王東遷其威令不及魯衛之君以禮假人不知其幾

獨為此競，競無是也。

三年，楚歸晉智罿。楚共王問罿：「何以報我？」罿對：「與重耳對楚成王語雷同，脩辭熟套也。」

冬十有一月，晉侯使荀庚來聘。衛侯使孫良夫來聘。傳曰：「公問諸臧宣叔。」曰：「中行伯之于晉也，位居三孫子于衛為上卿。誰先？」對曰：「次國上卿當大國之中，中當其下，下當其上大夫。小國上卿當大國之下卿，中當其上大夫，下當其下大夫。古之制也。」晉為盟，主宜先丙午。盟

取晉丁未盟。衛傳以為禮，非也。禮序昭穆，衛文之昭而晉武之穆也。序爵良夫，上卿而荀庚，下卿也。宜先衛，今舍周班而較叔季之強弱。豈禮歟？孟子敘周爵公侯伯子男凡五等，卿大夫上中下士亦五等。故書言列爵惟五。五禮五玉五器，唐虞時已然矣。爵未有過五等者。漢博士作王制，因襲傳語，則是五等之中又，有中卿下卿上大夫共八等。豈古之制歟？晉作六軍，不書。傳不言其故，唯天子六軍。晉作

晉僭也。凡諸侯僭亂之事，經不毛舉。言不順也。
惡極于弑君亡國，包舉矣。傳不達。

四年公如晉。傳稱晉侯見公不敬。季文子知晉
侯必不免。為後十年晉景公死。附會之。
五年晉放趙嬰于齊。嬰夢天神索祭。祭之明日
見放故免于死。此沙門詭愚俗語也。
六年鄭伯如晉拜成。授玉過于楹。東晉士貞伯
曰。鄭伯其死乎。視流而行速。為是年六月。鄭
悼公卒。附會之。

取郭傳曰。言易非也。經書取多矣。其皆易邪。
九年秋。晉人執鄭伯。欒書帥師伐鄭。傳稱鄭使
伯蠲行成。晉人殺之。書執而不書殺。伯
蠲豈亦以不告歟。傳不言其故。
十一年五月。公會晉侯齊侯宋公衛侯曹伯伐鄭。
按傳鄭伯之見執也。鄭公孫申謀曰。我別立
君以示不急。晉必歸君。遂立太子髡禩。晉人
果伐鄭而歸鄭伯。鄭伯歸討立君者殺叔申
與弟叔禽。皆不書。夫急君難而故棄之。是以

君。徼。倖也。因夫。人謀。得歸。而又殺之。是誅。有功也。鄭既。有君。而後歸君。是歸。不為德也。事皆反覆。傾險。不可以為訓。後世有用此立功。其得禍亦相似。始知春秋。慮遠識深。非聖人不能作。故曰。言之必可行。傳不及。

丙午。晉侯孺卒。傳稱晉景公疾。趙同。趙括。之祖爲厲也。公夢疾化為二豎。伏膏肓之間。小臣夢負公升天。而以為殉。皆附會不經之譚。凡春秋書事。據實而已。未嘗為隱語也。是年五

月。晉景公將伐鄭。而病。立太子州蒲。為君。以會諸侯。伐鄭。父在子立。父將死。而子預外事。皆非禮也。然亦書晉侯。此類皆不待貶。自見也。何事于隱語乎。

十二年春。周公出奔晉。傳曰。凡自周無出。非也。夫經既書出奔矣。又云無出。變幻譎張。啓後儒穿鑿之例。皆此類也。

十三年春。晉侯使郤鍇。己來。元師。傳稱將事。不敬。孟獻子知郤氏亡。以一人容止。決一族之

禍雖聖知不及此。因晉將誅三郤附會之獻。亦料其將死果死。習誕成套甚可厭也。

十四年秋。叔孫僑如如齊逆女傳曰。稱族尊君命非也。九月僑如以夫人婦姜氏至自齊傳曰。舍族尊夫人亦非也。前書叔孫後蒙。前文耳。尊君則書族尊夫人則不書於義何居。十五年晉三郤譖伯宗及欒弗忌殺之。伯州黎奔楚經不書傳不言其義。凡殺大夫未有不

書者。如以不告為例。他大夫書未必盡。因告舊史備不備耳。

鄢陵之戰。敘事支誕。士燮佐中軍業已為將。而晉戰惟恐勝。是豈人情。蓋因三郤將敗晉政將衰而附會之。其實晉臣無此識量也。晉侯筮遇復繇明言射楚王中目。魏鵠夢射月退入十泥戰死。皆因事附會之。兩壘相拒必非甚邇。伯州黎登巢車望晉軍。何了然也。臨陣矢石交接。楚子以弓問郤至。郤至免胄從容致辭。

樂鍼執榼飲子重子重飲而復鼓皆夸飾之誕說也

十七年鄭子駟侵晉不書衛為晉侵鄭則書鄭與楚盟楚戍鄭不書晉伐鄭則書春秋不直晉曉然豈得謂屏楚而專晉邪

齊靈公母聲孟子私慶封鮑牽言于朝公剛之傳謂仲尼曰鮑莊子之智不如葵葵猶能衛其足此調笑語不似聖人法言與譏陳大夫洩治同謬

魯聲伯夢涉洹水食瓊瑰盈懷此因聲伯將死禮含用珠玉附會之又云三年不敢白白公之夕死怪誕尤甚

晉殺其大夫郤鍇郤犨犨郤至十八年春正月晉殺其大夫胥童傳曰民不與郤氏胥童道君妾為亂故皆書殺大夫非也有如民與郤氏胥童不道君為亂不書殺大夫將何書乎經無此等例

十八年齊殺其大夫國佐傳曰棄命專殺以穀

十叛故非也傳意以書名為有罪之例不知陳大夫洩冶衛大夫孔達皆有名又何罪乎後儒記禮遂以殺大夫為義皆傳誤之也

楚子鄭伯伐宋宋魚石復入于彭城傳曰凡太子其國國逆而立曰入以惡曰復入非也魚石晉以宋臣逃楚復入于宋文義自爾何必為例公至自晉晉侯使士匵來聘傳曰拜朝也君子謂晉于是乎有禮非也魯君無歲不朝晉晉不加禮諸侯朝晉大夫報聘何禮之有凡傳

之尊晉類此

襄公 凡五十八條

元年春仲孫蔑會晉欒黶宋華元衛甯殖曹人莒人邾人滕人薛人圍宋彭城傳曰非宋地追書非也按彭城本宋地後併于楚而時尚未定屬楚也去年夏楚子伐入之今年春晉遂圍之其不當書楚甚明也何謂追書非宋地而經寧誑語乎或曰春秋書邑皆不繫國此繫宋何義也曰不繫國者如盟會于某地

之類。若攻圍未有不繫國者。昭公二十一年。書宋華亥等自陳入于宋南里。以叛南里繫宋。又何例乎。

九月辛酉。天王崩。無傳。邾子來朝。傳曰。禮也。冬。衛侯使公孫剽來聘。晉侯使荀罃來聘。傳又曰。禮也。皆非也。夫以天王之喪。諸侯不奔。而友邦私相朝聘。春秋之義了然。謂之禮。豈不悖哉。

二年。傳曰。齊侯伐萊。萊人賂齊。寺人夙沙衛。以

索牛馬。皆百匹。齊師乃還。君子是以知齊靈公之為靈。非也。夫諸侯之為靈者。非一君。招權納賄者。非一臣。其弑君篡國。皆以賂免。莫多于晉。何獨于齊發此。

夏五月庚寅。夫人姜氏薨。傳稱季文子取成公母穆姜之櫬葬之。謂之非禮。且曰。虧姑成婦。逆莫大焉。引詩其維哲人順德之行。譏之夫。魯以千乘之國。豈乏一櫬。用于婦未必遂虧于姑。此細事。何足以定季孫之不哲。何遂為

莫大之逆季孫逆與不哲不專在此。

四年七月戊子夫人姒氏薨傳稱匠用季孫所樹檻為櫬曰多行無禮必自及意謂季孫用穆姜之櫬葬齊姜人亦用其檻以葬定姒夫七尺之木何遽當無禮之及其論偏曲多類此。

冬公如晉傳曰聽政因請屬鄫以助魯之賦晉許之按諸侯于晉有常貢子產壞晉館垣以納車卽貢幣之車也其賦重故魯請鄫為助

晉許之八年公復如晉聽朝聘之數是晉受六諸侯朝貢無異天子而傳以為當然可怪也故愚謂傳本晉人作耳

是年冬十月邾人莒人伐鄫臧紇救鄫侵邾邾人敗之于狐駘台死者多國人不備凶服至鑿髽以逆喪則其敗歎已甚不書諱也傳不及豈亦以不告邪

五年王使王叔惣戎于晉晉人執王叔使士鮒如京師言王叔貳于我也夫天子之卿士有

卷之三十一
天子在晉焉得遂執之此其託辭助戎辱天子故不書為王諱也春秋之義忠厚如此傳不知

楚殺其大夫公子壬夫傳曰君子謂楚共王於是不刑非也壬夫執政貪以蒙誅雖無盆水加劍之禮亦賢于官邪寵賂之章晉六卿貪饕不法所以亡也謂此不刑刑將安施六年春王三月壬午杞伯姑容卒傳曰始赴以名同盟故非也初桓公十二年盟杞侯于曲

池比卒亦不名魯杞婚姻何必同盟春秋無此例前所以不名者世遠史闕也

八年正月公如晉傳曰如晉朝且聽朝聘之數夏季孫宿會晉侯鄭伯齊人宋人衛人邾人于邢丘傳曰命朝聘之數夫諸侯朝貢天子乃有常數東遷以來未聞諸侯貢周也五霸主盟未聞率諸侯貢王也此晉責諸侯朝聘於晉耳傳侈譚之不以為僭豈春秋之義歟又曰大夫不書尊晉侯也夫晉已侈矣何為

又尊之。公如晉。鄭伯會而公不與。獨與季孫。卑君而重臣。是教季孫無君也。春秋惡晉。何為反尊之。

九年春。宋災。傳敘宋諸臣救災事甚謗。張閭閻失火。何至舉國張皇。晉士弱謂宋居商丘爲失火。正闕伯之墟。是多火災。悠謬之譚也。

夫人姜氏薨。傳稱姜以僑如之亂徙東宮筮卦遇隨。引易曰。元體之長也。亨嘉之會也。利義之和也。貞事之幹也。體仁足以長人。嘉會足以

以合禮。利物足以和義。貞足以幹事。此孔子乾卦文言。名理奧義。姜氏焉及此。況姜之徙。在成公十六年。孔子尚未生也。晚贊易作文言。距姜徙時已八十餘年。姜安得此語。而先稱之。則傳之為後人作甚明也。宋歐陽脩顧謂文言用穆姜語。楊儀因譏元者善之長。爲害道。朱元晦謂古有是語。穆姜與孔子皆引之。寧訛文言終不敢議。傳退孔子遷就左丘。明千古耳食賢愚共蔽可笑也。

是年秦侵晉不書史不備也傳謂秦使士雅率乞師于楚以伐晉子襄曰晉官不易方舉不失選六卿相讓晉不可敵事之而後可此非子襄之言傳譽悼公之言也是時晉楚交構晉招吳撓楚連秦脅晉吳近而詳秦遠而闕耳謂子襄辭秦非也

戲之盟襄公歸自晉晉悼公宴于河上問襄公年對曰十有二歲矣晉侯命之冠季孫請及兄弟之國而假備焉行及衛冠于成公廟夫

衛公魯近矣不歸醮于廟而假備鄰國傳以為禮非也禮諸侯未冠除喪入見天子天子賜冕服于太廟歸設奠服賜服于斯乎有冠醮無冠醴晉欲以天子自處以諸侯視魯而季孫為此悅晉耳何禮之有

傳稱晉悼公能息民三駕而楚不能與之爭非也三駕謂十年師于牛首十一年師于向其秋觀兵于鄭東門鄭服也晉悼公之世楚共王當國子襄為政晉楚爭鄭鄭以犧牲玉帛

待于二境。楚來從楚。晉來從晉。牛首之役。鄭方從楚。晉以諸侯救之。遇楚師。不敢戰而退。十一年六月。晉以諸侯師于向圍鄭。七月。鄭人受盟于晉。楚子囊以秦師伐鄭。鄭使良霄石梟。綽辭。楚楚人執之。是年九月。晉以諸侯之師至鄭。鄭又與晉盟。秦人伐晉。救鄭。敗晉于櫟。此所謂三駕也。晉未嘗勝。楚未嘗敗。而鄭往來晉楚間。如陽鳥何。謂楚不能與之爭。此與穀梁稱齊桓公兵車之會。四衣裳之會。

十一皆諛霸之陋說也。讀者以為丘明語。未知加察耳。

十年。諸侯會于柶。查傳稱齊高厚相。太子光不敬。士莊子知高厚太子。光皆將不免。此為十九年。齊殺高厚。二十五年。光遇弑。附會之也。不敬不免。遂成通套。

宋公享晉侯。以桑林之樂。晉侯見舞師題旌夏懼。遂疾。卜桑林為祟禱。而愈。意謂桑林殷光王樂。宋所以事神故為祟。悠謬甚矣。

傳。晉人滅福陽。俘福陽子以歸。居其族于霍。傳謂為有禮。非也。無故滅人國。俘人君。而以居宋族為禮。是何禮歟。其為晉人文惡如此。

楚公子貞鄭公孫輒帥師伐宋。遂侵魯。還克蕭。孟獻子曰。師競已甚。鄭其有災。其執政之二十三士乎。此為鄭尉止將殺子耳子駟子國附會之春秋師競者多矣。何獨知此有災乎。楚使鄭人侵衛。衛孫文子卜追之。獻兆于定姜。云。有夫出征。而喪其雄。姜曰。征者喪雄禦寇。

之利。遂追之。而獲鄭皇耳。亦附會之談。

冬。戊鄭虎牢。傳曰。書戊鄭虎牢。非鄭地。言將歸焉。非也。蓋因二年冬。戚之會。書城虎牢。不繫鄭。遂謂仲尼。不以虎牢與鄭。謂虎牢為華夷之防也。夫堂宇之間。以限華夷謬矣。況天王既予鄭仲尼焉。得奪之。且何待。仲尼後歸之也。不書。鄭則為奪。書鄭。則為將歸。世儒以為天子之事云爾。而其誣仲尼亦已甚矣。蓋晉悼之季。中原擾攘。諸侯無歲不役。詩云。匪兕。

匪虎率彼曠野。書戍傷之也。奈何更侈譚之。
十二年冬公如晉。傳曰。朝且拜士鯀之辱禮也。
非也。魯以諸侯朝于諸侯。晉以大夫報諸侯。
之朝而又往拜其辱。此足恭何可為禮。

十三年春公至自晉。傳以孟獻子書勞于廟為
禮。非也。襄公十一年魯從晉會諸侯于蕭魚。
鄭服于晉與魯何預。十二年夏晉士鯀來聘。
秋公如晉報之碌碌奔走爲人役耳。無勞可
書。仲尼豈以是為禮。

夏取邾。詩傳曰。書取言易也。用大師曰滅弗地。
曰入非也。狄人入衛。衛遂以遷。則地亦入也。
凡傳之例皆無端強作。

傳稱晉侯蒐于綿上。士匵辭中軍帥讓于荀偃。
六卿皆讓晉國之民是以大和諸侯遂睦。皆
非也。夫晉六卿之不相能久矣。明年伐秦。卿
帥不睦。諸侯不整。為遷延之役。以至禦鍼从
敵。禦鍼逐士鞅。自是以後。諸卿日侈。遂底于
亡。而曰晉國以平。數世賴之。非妄語邪。

冬城防傳曰書時非也防臧孫氏之私邑大夫城私邑書以譏之非為時也時則不書。

楚子襄請歸鄭良霄曰使歸而怨其君以疾其大夫而相率引不猶愈乎此為三十年鄭人殺良霄附會之。

十八年晉荀偃將伐齊夢與晉厲公訟不勝厲公以戈擊偃首墜地偃奉以走問于梗楊之巫巫夢亦然偃果死于伐齊之役此甚怪誕不經非不語之教。

楚公子午帥師伐鄭傳稱晉師曠云不害吾驟歌北風又歌南風南風不競多歎聲楚必無功此術士風占之譚。

十九年傳稱晉伐齊之師還荀偃疽發于首目出口噤以其未卒事于齊也欒盈撫尸誓之乃瞑受含此為是年晉欲再伐齊附會之豈弑君之賊而急公事若此歟。

衛石買卒其子石惡不哀孔成子曰是斁其本必不有其宗此為二十八年石惡出奔附會

之

二十年衛甯殖將死悔屬其子喜納獻公賊臣逐君焉知悔悔而求復則公孫剽在位六年矣又納衍將何以處剽是明教其子弑君也何悔之有

二十一晉會諸侯于商任傳稱齊衛二君不敬叔向知皆不免此因二十五年齊弑光二十六年衛弑剽附會之

二十四王城大水齊人城郊是時齊方背晉

欲市德于周春秋以為齊事耳故不書傳不及

二十六公會晉人鄭良霄宋人曹人于澶淵傳曰趙武不書尊公非也是役也晉人疆衛田以與孫林父書皆惡之不名史闕也且書入何必盡大夫苟大夫也君前臣名不名尊

公於義不類

衛獻公如晉晉人執而囚之齊侯鄭伯為之請不釋衛侯納其女于平公乃釋之皆不書春

秋于諸侯貪淫敗禮除弑逆會盟征伐外不毛舉寬仁博大之至也傳不達

鄭簡公與齊景公同如晉為衛獻公請既而得釋鄭伯歸復使子西入晉謝傳稱其善事大國夫以晉侯之貪淫而鄭為足恭何善之與有

二十七年晉楚諸大夫會于宋為弭兵也楚令尹子木欲衷甲赴會伯州犁不可子木曰苟得志焉用信伯州黎知子木不及三年必死

此為明年子木卒附會之

秋七月辛巳豹及諸侯之大夫盟于宋傳謂季孫以君命命豹曰魯視邾滕豹盟視宋衛不書族以違命故非也豹不族諸大夫亦不名皆蒙前會于宋之文耳事同人同故省如豹以違命諸大夫何以乎是盟也楚人先歎傳謂書先晉晉有信亦非也晉長于諸侯舊兵禮不以新聞舊終春秋未嘗以楚先齊晉非獨此耳

字或
按韻
斷

二十七年。鄭伯享趙孟于垂隴。子展伯有等七人從趙孟使各賦詩觀志立談之頃。決七子先後存亡。何響應也。伯有從君樂賓而歌君無良其喪心乎。此謂居下流而衆惡歸焉者也。與二十九年季札觀魯樂皆非實錄。

二十八年。魯梓慎以歲星過次。淫于子。知宋鄭飢鄭裨寵以歲星過次。占周楚君亡為是年八月旱大雩。明年天王崩。楚子昭卒附會之。蔡侯朝晉歸。過鄭。鄭伯享之。不敬。子產知蔡侯。

不免。曰。淫而不父。恒有子禍。此因三十年蔡世子弑君。附會之子產焉。知其將淫于婦也。宋之盟。晉楚之屬。諸侯交相見也。是年宋公陳侯鄭伯許男皆如楚。不書。然則朝楚與朝晉等耳。皆不足書也。春秋未嘗以朝楚為事。夷狄可知矣。如以中國事夷狄。雖外諸侯。未有不書者。傳不違。

鄭伯使游吉聘楚。及漢。楚辭。鄭伯親往。游吉謂楚子貪昧。逞願將歟。夫春秋諸侯誰非貪昧。

者。此因楚子將卒而附會之。
十有一月甲寅。天王崩。傳曰。癸巳。天王崩。未來。赴亦未書禮也。非也。靈王崩後二十有二日。聞赴始書。經據史耳。天子喪不赴。不書于禮。何居。經存其誤。以直不恪也。不書葬見魯之不會也。傳不達。

公如楚傳稱。公過鄭。鄭良霄迎勞公。不敬。穆伯知良霄必有大咎。此為三十年。鄭殺良霄。附會之。

二十九年春王正月。公在楚。傳曰。釋不朝。正于廟。非也。每歲首。公在不書。朝正。公不在何必。釋不朝。昭十六年正月。公在晉。亦不書。知此。非為不朝。正也。為楚止。公送葬。強公襚。書以甚楚耳。

城杞之役。齊高止。宋華定。與晉荀盈相見。司馬侯相禮。知二子不免。為是年秋。高止出奔燕。昭公二十年。華定出奔楚。附會之。

吳季札聘魯。知叔孫穆子不得其死。因叔孫有

吳豎牛之禍。先附會之誦詩觀樂而知德之隆。
替國之興亡如燭照果爾。札賢于仲尼遠矣。
仲尼學琴師襄在齊聞韶須以時月而札立。
譚懸解豈有神慧邪。札聘在襄公二十九年。
孔子哀公十一年自衛反魯正樂然後雅頌
得所。札先五十九年觀樂雅頌次第一一脗
合其為後人附會甚明也。世以傳出丘明蔽
而不察耳。

三十一年五月宋災傳云或叫于宋大廟曰謳謳

出出烏鳴于毫社如曰謳謳甲午宋遂災委
巷之譚也。

鄭良霄出奔許自許入于鄭鄭人殺良霄傳云
不稱大夫言自外非也。非大夫則已苟大夫
也豈以外入削之蓋上書鄭良霄出奔後入
下不得更加大夫尋常文義以鑿失之。
冬諸侯大夫會于澶淵宋災故傳謂魯叔孫豹
在會不書以賑宋諱非也。伯姬魯女魯自賑
之七月叔弓已先如宋澶淵之會實不與也。

三十一年。叔孫豹自晉歸。告孝伯曰。趙孟語偷將死。又以孝伯語益偷。知孝伯亦將死。為是秋孝伯卒。明年趙孟卒。附會之。

夏六月辛巳公薨于楚宮。傳謂公自楚歸作楚宮。穆叔謂公欲楚矣。必死。是宮六月果薨。皆附會之說。

冬十月。滕成公來會葬。傳謂滕成公惰而多涕。子服惠伯料其將死。為後三年。書滕子卒。附會之。

鄭子皮使印段如楚。告適晉。欲朝晉而畏楚稟命耳。傳以為禮。何之有。

莒人弑其君密州。傳謂密州已立其世子展輿廢之。展輿因國人弑父。書莒人言罪在密州。非也。子弑父猶云罪在父。豈春秋之義。

昭公 凡五十五條

元年。諸侯之大夫會于虢。趙孟過雒汭。王使劉定勞之。指洛水嘆禹功。以獎趙孟。趙孟曰。吾儕偷食。朝不謀夕。劉子歸語王曰。趙孟不復

年矣。是年冬，趙孟卒。夫朝不謀夕，人之恒言。何遂當死此附會之尤誕者。

秋，莒展輿出奔吳。傳謂展輿奪羣公子之秩，羣公子逐之立其弟去疾。君子謂莒展之不立以棄人非也。弑父之子雖不奪人之秩，得長乎？傳言偏蔽類此。

鄭子產將放游楚于吳。問于游吉。對曰：周公殺管叔而蔡蔡叔。夫豈不愛王室故也？按周公遭兄弟之謗，避位居東二年，成王殺管叔。公

實不預。詩書俱在，可考也。而其誣起于古書蔡仲之命，書有古文，亦猶傳之有左也。傳又取微焉，是以誣微誣耳。

二年，韓起聘于魯。觀書于太史氏，見易象與春秋。曰：周禮盡在魯矣。乃今知周公之德與周之所以王。夫易象作自周公是也。春秋是時猶魯史耳。孟子云：魯之春秋，晉之乘，楚之檮杌，一也。何國無史？春秋能重魯乎？不經聖裁，周公其衰矣。何德之知？此後人因孔子推重，平生

春秋甚明也。

三年鄭游吉如晉送平公妾少姜葬晉張趯與言晉如火中將退矣齊晏平仲與叔向言陳氏將有齊叔向亦數晉公室將卑夫與外臣言而楊國惡非禮也三子必不然傳欲附會先見適以彰其薄耳

四年秋楚子帥諸侯之師伐吳執齊慶封殺之傳稱慶封辱楚子蓋緣飾之辭其實殺慶封亦一義舉也經以討賊及之傳不違

十二月乙卯叔孫豹卒傳謂叔孫豹死于家臣豎牛之手與庚宗婦人遇而夢天歷己號牛其事甚怪又稱穆子初生父莊叔筮遇明夷之謙卜人楚丘預知有豎牛皆悠謬之譚也楚子求婚于晉晉使韓起叔向送女于楚楚子謀則韓起宮叔向欲以辱晉薳啓疆止之夫晉女于楚使二卿送之其事楚備矣新婚而辱人使何為此惡楚虔橫而甚之事未必有六年鄭子產鑄刑書晉士文伯曰鄭其火乎火

未出而作火。以鑄刑器。不火何爲。是年六月。
鄭遂火。亦附會之譚。

七年春王正月。暨齊平。傳謂燕與齊平非也。誤
蒙前齊侯伐北燕。為一事。遂云燕人歸燕姬。
賂以瑤甕玉壘。本他事牽入。誤也。春秋惟魯
省國書。及定公十年春王三月。及齊平。十一
年冬。及鄭平。叔還如鄭泣盟。皆魯及也。正月。
暨齊平。三月。叔孫婼如齊泣盟。與十一年書。
法正同。若齊伐燕。與之平。當云暨燕平。何爲。

反主燕。而暨齊平。是時昭公善楚。娶于吳。齊
畏魯。求平。魯暨之平耳。時公將如楚。故使叔
孫往盟。傳之無誓妄說如此。

夏四月甲辰朔日食。晉侯問士匱。誰當之。對曰。
衛君魯上卿。為是年八月。衛侯卒。十一月。季
孫宿卒。附會之。

晉人來治杞。田季孫遂以成邑。與之失地。不書。
此正所謂非公命者也。傳反不及。

鄭子產聘于晉。晉平公有疾。夢黃熊入寢。子產

曰。鯀也。此術士厭魅之譚。子產既知人道邇。
豈作此解。又鄭伯有死見夢。曰壬子將殺駟。
帶壬寅殺公孫段。如期死子產云。伯有生而
取精多用物。弘族大而憑厚強死為厲夫春
秋大族強死者多矣。而皆為厲則厲鬼塞人
眞間矣。豈聖人民義之教。

八月戊辰衛侯惡卒。傳謂衛襄公長子孟懿足
不良。次子元立。是爲靈公。靈公未生孔圉之
祖孔成子與史荀之父史朝兩人同夕夢康

叔命立元。使圉與荀相之。至是孔成子果立。
靈公此類卽實有之。于經何補。而專喜談況
未必有也。

八年春晉有石言于魏榆平公問師曠對曰。作
此事不時。怨讐動于民。則有非言之物而言。此
因平公築虒祈宮成薨附會之。

冬十月楚師滅陳。晉史趙曰。陳穎頃之族歲遇
鶴火而滅。遇折木而復。又明年四月陳地災。
鄭裨竈以水火之數推之。知五年陳將復五

十二年而亡此星士緯度之言果爾君之存亡國之興廢惟星惟度而人道無權矣豈春秋之義

楚殺陳孔奐無傳不詳其故
九年晉與周人爭閭田晉率陸渾之戎伐周不書傳不言其故
冬築郎圍傳曰書時非也魯之不競甚矣猶作無益故書

十年正月有星出于婺鄭裨竈言于子產曰七

月戊子晉君將死此為晉平公將卒附會之
十一年五月甲申夫人歸氏薨大蒐于比蒲傳
曰非禮也及仲孫糴會邾子盟于祲祥傳又
曰禮也夫國有大喪而講武預會盟皆非禮
也豈蒐獵非而會盟是乎
秋諸侯大夫會于厥愁傳稱周單子視下而言
徐晉叔向知其將死此為十二月單子卒附
會之

魯昭公送母葬不感晉史趙聞之知昭公不歸

此以昭公客死附會之逢人知死何料死者之多也。

十二年楚靈王伐隨次乾干谿與右尹子革言甚侈子革歌祈招之詩諷之王至饋不食寢不寐者數日楚虔剛愴何感悟神速乃爾脩

飾之辭

十四年春意如至自晉傳以不書族為尊晉罪己為有禮非也不書族蒙前執季孫意如之文而省耳春秋未嘗尊晉意如未嘗罪己何

禮之有

晉叔向弟叔魚攝理納雍子之女而蔽罪邢侯邢侯殺雍子于朝韓宣子問于叔向對曰三人同罪晉遂殺叔魚傳曰叔向古之遺直也三數叔魚之惡不為末減平丘之會數其賄歸魯季孫稱其詐邢侯之獄言其貪殺親益榮義也豎乎仁人之于弟也殺之而為榮乎何義之有

十五年十二月晉荀躉籍談如周會王后太子

之葬。王宴之。而索晉彝器。二子歸以告。叔向曰。王樂憂其不終乎。夫索器何以知其不終。此因二十二年王室亂附會之。傳稱十六年春王正月公在晉。不書晉人止公。諱非也。去年冬書公如晉。今年夏書公至。自晉畱晉者半年。不言止。而止可知也。如謂諱之。襄公二十九年楚止公送葬亦踰年。至正月書公在楚。何以不諱。不諱甚晉也。凡如晉至自晉必書。

齊景公伐徐。徐人行成。鄰人莒人皆受盟于齊。魯叔孫昭曰。諸侯之無伯害哉。是時晉衰。齊稍振。魯人忌之。云爾。卽晉霸。而魯未嘗息肩。十也。詩云。四國有王。郇伯勞之。世無明王焉。得有賢伯春秋所以惡霸也。傳不達。十七年冬。有星孛于大辰。魯梓慎占。知宋衛陳鄭災。為明年四國災。附會之。十八年春。王三月。曹伯須卒。按傳同盟例。書名。曹平公與魯昭公未嘗同盟。亦名然。則傳例。

卷之三

三

三

非_{ナリ}也。

夏五月壬午宋衛陳鄭災傳稱子產救火與襄公九年宋災哀公三年魯災語雷同拯焚可也舉國張皇無謂也告於諸侯可也陳不救火許不來弔二國先亡無謂也。

十九年夏五月戊辰許世子止殺其君買傳曰悼公瘧飲太子止之藥卒太子奔晉書曰弑其君君子曰盡心力以事君舍藥物可也公穀因之遂謂許止孝子與稱趙盾良大夫並

反覆譖張枉經義之實違聖人之情皆諸傳之罪也豈許止不弑父趙盾不弑君而春秋枉之乎萬無是矣。

二十年夏曹公孫會自鄆出奔宋無傳凡書出宋奔必有事昭公世近而傳不知豈丘明之作歟。

十有一月辛卯蔡侯廬卒蔡平公未同盟亦書名傳例非_{ナリ}也。

二十一年周景王將鑄大鐘冷州鳩謂鐘大則

括。化。括則不容。其生心疾死。此為明年景王崩附會之。

七月壬午朔日食傳謂叔輒哭日昭子知其將死。八月卒夫日食何哭。哭日何預歟。誕也。宋華亥向寧華定自陳入于宋南里以叛傳謂居新里而助公者既戰脫甲于公乃歸居于公里助華者亦脫甲于華氏歸言無私爭也。豈其然乎。

二十四年婼至自晉傳以不稱族爲尊晉非也。

蒙前晉人執我行人叔孫婼省文耳晉倚強辱諸侯使臣何用尊爲

夏五月乙未朔日有食之梓慎曰將水昭子曰旱也日過分而陽猶不克克必甚能無旱乎。

因是年秋大雩附會之。

秋八月丁酉杞伯郁釐卒杞平公亦未同盟例又非也。

王子朝用成周之審珪于河津人得諸河上將賣之珪變為石周大夫陰不佞取之玉也以

獻于王。得邑夫玉焉能變如市井貨郎作賺。
王眼法虹小子可以輔經乎。後世史書好誕不
根左作俑也。

二十五年春叔孫婼如宋宋樂大心與語自卑
其大夫而賤其宗此主人對客常語婼謂無
禮必亡為定公十年大心出奔附會之又宋
公與婼飲酒語泣樂祁謂君與叔孫皆將死
為是年冬宋公叔孫俱卒附會之

有鶲鵠來巢傳曰書所無非也世謂鶲鵠不踰

濟濟水在魯鶲鵠非絕無一名鴈鳩不能巢
孚子空穴中故鳥官以名司空常寄居鵠巢
詩云維鵠有巢維鳩居之比國君夫人無成
有終妻道也臣道也來巢是無成知始臣擅
君之兆非為書所無也傳謂文成時有童謡
竝昭公出奔死乾侯定公繼立皆詳之按文
成太昭百有餘年矣豈童謡先若此其明告
邪此附會之辭後世史多效之

冬十月戊辰叔孫婼卒据傳之例大夫卒公與

冬小斂則書日是時昭公在外亦日傳例又非也。

二十六年九月庚申楚子居卒楚平王未與魯同盟亦書名傳例又非也。

二十六年傳稱齊有彗星景公使禳之晏子止之齊魯相近豈齊見而魯不見不書何也杜預謂在齊分野然則凡書星變者盡在魯分野乎蓋舊史闕耳傳不及豈亦以不告為例邪。

二十七年冬十月曹伯干卒按曹未同盟亦書名傳例又非也。

二十八年夏四月丙戌鄭伯寧卒秋七月癸巳滕子寧卒二君未同盟皆書名昭公世近史詳耳非例也。

二十九年夏四月庚子叔誼卒是時公在外不與小斂亦書日傳例又非也。

有龍見于晉郊魏獻子問古豢龍氏于蔡墨舜世有董父能畜龍夏后氏有劉累能擾龍官

宿其業。其物乃至。夫龍神物焉可畜。謂古可畜。今不可畜。辭窮矣。引五行之官爲証。夫五行陰陽之氣。非官所得司也。少皞之四叔。顓頊共工烈山之三子。人邪鬼邪。鬼則何以事人。人則不能司神。悠渺之譚。非民義之教。

傳稱晉賦鐵鑄鼎。以著范宣子所爲刑書。仲尼曰。晉其亡乎。失其度矣。貴賤不愆所謂度也。文公作執秩之官。爲被廬之法。以爲盟主。今棄是度而爲刑鼎。民在鼎矣。何以尊賢。按此

非仲尼之言也。晉文公執秩被廬之法。與范宣子刑書不可考。要皆衰世苟且之令。非先王之典刑也。仲尼奚貴焉。晉亂政多矣。其亡也。豈在刑鼎。

三十一年夏四月丁巳。薛伯穀卒。傳曰。同盟故書。非也。前此不同盟。書者屢矣。赴則書。不赴則不書。

冬。黑肱以濫來奔。黑肱。邾大夫。不書。邾以二子。七年。邾快來奔。魯人納之。今年。又納黑肱。蒙

前事再甚魯也傳曰以地叛雖賤書名謂之欲蓋名章非也叛臣亡子人共知共惡名何足懲不名何足芘春秋微婉之義不在此趙簡子夢童子羸而歌明日遂日食史墨以爲後六年吳入郢之兆必以庚辰附會迂誕之甚

定公

凡九條

元年諸侯大夫會城成周齊高張後至晉女叔寬曰周萇弘齊高張皆不免萇弘違天高于

違人意謂天厭周而萇弘欲遷都存周是謂違天高張後至是謂違人以此料二子皆歿因哀公三年周殺萇弘六年高萇來奔附會之迂誕甚矣

四年春王正月癸巳陳侯吳卒按陳魯未同盟亦書傳例非也

衛靈公將爲昭陵之會何預知與蔡爭長強使祝佗從因子云祝佗之佞附會之

五年春王人殺子朝于楚世儒以楚納子朝爲

大惡然經不書殺是未嘗以亂賊律子朝也景王太子早死子朝為長庶王猛敬王皆其弟也敬王在位久為天下共主故尊之非以子朝為必可殺也傳不達

十年夏公會齊侯于夾谷傳稱孔丘相齊以萊兵劫公孔子以公退辭却之此欲譽孔子不知其謬也夫魯既與齊平矣何為又劫之兵既集孔子以公退退將焉往齊人謀之積日以口舌解之臨事未可幾也又謂齊將詐享

公孔子言于梁丘據免夫齊不劫公則已劫公而失之于萊兵又謀于飲酒不已拙乎見幾不早先事不備以至狼狽虎口然後因細人求免智者不為況聖人乎凡傳之無識類此

十二年叔孫州仇帥師墮郈季孫斯帥師墮費傳云仲由為季氏宰將墮三都於是仲孫墮郈季孫墮費不詳其始末未知當時子路勸二子使之墮邪抑威之使不敢不墮又謂

孟氏宰公斂處父不肯墮成然則子路之力能伸于仲孫季孫何獨詘于孟孫也其後成不墮不知既墮之郈費作何狀傳皆不詳論語公伯寮懇于季路于季孫季孫惑志于公伯寮孔子謂道之將行將廢有命疑卽此事也若使左丘明作傳當時目擊豈茫昧若此乎十三年薛弑其君比無傳此大事烏可無傳也大抵傳于凡小國之事皆略不載非春秋本義

十五年九月丁巳葬我君定公雨不克葬戊午日下昃乃克葬傳以雨不克襄事為禮非也大事不戒作且輒其慢已甚焉得為禮詳宣公八年

冬城漆傳曰書不時告非也漆邾庶其之叛土也魯人納之遂城之為盜主藏書譏也

哀公 凡十三條

元年吳王夫差敗越于夫椒報檇李也經不書傳謂吳不告敗非也當是時吳求霸甚亟敗

越未有不告者。夫差彊梁自用。殺謀臣。信奸邪。覆泰伯之宗。皆驕于夫椒之一勝耳。昔者齊魯之霸也。一戰而強吳之霸也。一勝而滅故。夫椒之捷。不與名。陵城濮同。書齊魯。遞哀而吳先亡。五霸之業。足以觀矣。傳不達。三年五月辛卯。桓宮僖宮災。傳敘諸臣救火事。與昭公九年鄭災襄公九年宋災皆脩飾之辭。又謂孔子在陳聞火曰其桓僖乎。此因桓僖二廟宜毀不毀附會之。

八年十二月癸亥。杞伯過卒。按杞伯未同盟。亦書名傳例非也。

十年夏薛伯夷卒。未同盟。亦書名。非夷狄亦不月傳例非也。

十一年秋七月辛酉。滕子虞母卒。未同盟。亦不

時事詳耳。傳不達。

吳子夫差不用伍員計。舍越伐齊。員知吳將亡。屬其子于齊鮑氏。吳子賜員劍。自殺。經不書。殺大夫何也。蓋伍員叛宗國辱故主弑王僚。

殘險輔桀而欲保其身難矣當時奇其蹟後世惜其死春秋不錄吁所以為春秋也傳不與達

十二年夏五月甲辰孟子卒傳曰昭公娶于吳故不書姓死不赴故不稱夫人不反哭故不言葬小君非也蓋季氏不以昭公為君生不歸國葬不附祖廢其二子何有于其妻仲尼弔季氏不絕不絰是不以之為君夫人也不以為君夫人而書君夫人則孟子蒙虛名而季

氏揜無君之惡春秋無毀譽傳信而已不稱夫人不言葬小君直也

衛侯會吳子于鄭吳人止衛侯魯使子貢往說曰衛君來之緩也其臣之黨吳者欲之讐吳者不欲也今執之是墮黨而崇讐也與宣公十七年苗賁皇說晉侯語同脩辭活套也十三年夏許男成卒不同盟亦書名非夷狄亦不月傳例皆非也

於越入吳按吳與越猶唯與阿也吳敗越不書

越入吳書何也春秋卑五霸二一百四十年之間五國成敗立覩矣而吳最先亡詩云雨雪洋洋見睍日流如蠻如髦我是用憂霸者之事歟仲尼之徒所以羞稱也傳不達。

十四年春西狩獲麟公穀謂春秋終獲麟是矣今傳終哀公二十七年經終哀公十六年夏四月己丑孔丘卒豈卒之日始絕筆乎則信終于獲麟矣終于獲麟不宜獲麟後復有經說者謂爲舊史然何其簡約肖經之甚也經

文簡恃舊史詳經必不準舊史也今謂獲麟後三年所書卽舊史則獲麟前十二公之文皆舊史矣焉用仲尼筆削為也正月書王此新義也獲麟後亦正月書王其非舊史甚明蓋傳以孔子本獲麟作經欲引經終孔子故續經至哀公十六年孔子卒而傳直至哀公二十七年將自成一家之書原非專為輔經而作若使丘明輔經作傳經終則傳止何為汎濫于獲麟之後乎左丘明姓名見論語子

云左丘明恥之。丘亦恥之。殆夫子先輩而嚴事之故。自名以附之。猶言竊比。我老彭云爾。假使年相若。夫子卒于哀公十六年。七十有三春秋。絕筆于先二年。傳絕筆于哀公二十七年。後孔子卒。又十二年。則是八十有五歲矣。八十五尚作傳。當以何年卒。是必年少于孔子。與游夏齒。乃可既與游夏齒。當在弟子列。而七十子中無左丘明。則是孔子先輩不為孔子作傳。又甚明也。司馬遷謬信之。杜預爲孔子作傳。又甚明也。

因之後世。遂謂左丘明親見夫子。其言必可信。至于牽強附合。以求通其說。而其誣春秋。誤後學多矣。不得不辨。

左丘明姓名見論語。論語爲聖人傳神之筆也。其曰。子不語怪力亂神。此孔氏之家法。六經之典刑。春秋之繩尺也。今據傳皆犯此四者。如蛇鬪石語。人死六日復生。玉變為石。柩作牛聲之類。是語怪也。如魯秦董父狄虎彌齊。殖綽郭最晉州綽邢萌輩。麤悍武夫。傳皆枚。

舉其人是語力也春秋雖為亂臣賊子作其于弑君賊父之事皆詳審精確必不得已而後書如有疑寧闕寧從輕如鄭子駟楚子圍弑君之類皆書君卒而傳皆執信不疑其他貪淫黷亂諸委瑣事經不及而傳津津喜譚之是好語亂也至于神降鬼厲卜筮童謠夢兆種種杜撰不一而足是好語神也後世讖緯方術作俑于此使凶邪讒謠之徒託占象以誤忠良造符命以助亂賊皆以左為嚆矢

經術不明流毒罔極聖人之慮豈不遠哉故夫編年指事其功不可泯而粉飾誇誕過情瑕疵甚多學者徵其事勿溺其辭超然遠覽始可與言春秋矣

或問曰左則非矣春秋何為而作也曰為紂五霸作也天下無天子五霸假方伯擅征伐挾輔王室以令諸侯其名正而事假其實爭利自為強大耳謀王室少而自謀多安天下少而亂天下多如晉朝同列受貢幣無異天子

所少改正朔稱王號耳天下見吳楚稱王以
為僭見齊晉不稱王以為義見其東征西伐
以為方伯為霸主謂王降而霸猶之帝降而
王也無王不可無霸雖號為仲尼之徒者亦
以為當然不知天下有天子而後有方伯詩
曰四國有王郇伯勞之無天子方伯安所稟
承而自逞胸臆會盟征伐是大亂之道也故
孔子曰天下有道則禮樂征伐自天子出天
下無道則禮樂征伐自諸侯出自諸侯出十

世希不失矣自大夫出五世希不失矣天下
有道則庶人不議春秋者庶人議之者也故
曰罪我其惟春秋自孔子沒而大義隱諸說
紛紛穿鑿經義愈晦惟孟子為能知春秋其
言曰春秋天子之事也世衰道微臣弑其君
子弑其父孔子懼作春秋春秋無義戰五霸
者三王之罪人天子討而不伐諸侯之徒無道桓
文之事者此春秋明鏡指掌而諸傳反謂春

秋尊五霸。獎齊晉。首尾衝決。蒼素倒置。學者能辨乎此。則十二公之文義可迎刃解耳。今不信孔孟。而信諸傳。不由坦然明白正大之路。而紓曲穿鑿。謂春秋有隱。嗟夫。世儒自隱耳。仲尼無隱乎爾。曰。請問無隱。曰。可。放舉也。最大者。弑君父。其次叛亡。其次僭竊。其次滅人國。其次擅侵伐。其次會盟。其次私朝聘。其次專殺大臣。其次妄興作。其次昏喪。其次蓄異如此而已矣。雖其旨涵蓄不盡。而其是非。

了然在人心目故曰直道而行。無所毀譽。其他非理委瑣之事。一切不書。故春秋包荒如天地。含容如滄海。寬仁博大之至也。或云。刑書褒貶命討。此後儒之偽。張春秋無是也。

余嘗讀西漢書。劉歆在哀帝朝。欲為左氏春秋。古文尚書立學官。大臣龔勝師丹謂尚書二十八篇本不缺。左氏本不傳春秋。此議先得我心。後漢儒林傳李育謂春秋左氏不得聖人深義。作難左氏四十一事。晉王接謂左氏

自一家之書。不主為經。發則左之。不足信。昔人往往以為然。非獨余耳。唐韓退之贈盧仝詩云。春秋三傳。束高閣。獨抱遺經。究終始。此數公皆有識人。但不知當世何以說春秋。恐余亦只是疑之而已。春秋不明。非一朝夕矣。杜元凱之好左也。貴其藻麗也。左敘事浮華。杜云。先經始事。後經終義。依經辦理。錯經合異。此曲為周旋云爾。其實左傳何曾輔經。又云。微而顯志。而晦婉而章。盡而汚惡。而勸善。不逮也。

春秋非左卷下 終

皇都書肆	英華堂藏書品目	掘川通佛光寺下町	河南四郎右衛門
四書集注	道春點 新刻改正	十冊	楚辭全集 屈原文 朱子注
同 傍注		十冊	同 箋注 王逸注
同 白文	大字點附 新刻改正	五冊	蒙求音注
同 新增大全	熊令之卷 改正	廿冊	同 音釋
學庸祕解	重山了芥	二冊	同 詳說 字都宮由的
同 解	伊藤長胤	一冊	同 俚諺鈔 毛利虛白
四書故事	澹明魏時應	五冊	嘉 訂正三重韻 唐音附
四書字引	新刻改正	一冊	同 筲注 同白駒
通鑑綱目	朱文公作 道乙點	一冊	伊呂波韻頭書
後漢書	范撣	一冊	同 標題 片假名附
大廣益會玉篇		九冊	同 后集 新刻
		二冊	孝經

明和三年丙戌夏五月良辰

日本橋南壹丁目

東都書林

須原屋茂兵衛

二條通東洞院東入町

林 伊兵衛

堀川通高辻上町

河南四郎右衛門

皇都書林

聯珠詩格	小本	二冊 同 後集無點	二冊 王道昆尺牘
盛唐詩格		一冊 韻鏡袖中抄	毛利虛白 一冊 同五言絕句詩集
唐明詩格		一冊 本朝篇年小史	新板 七冊 弇州尺牘紀要
尚書大傳	鄭之	二冊 大唐年代記	三宅帶刀 七冊 南谷千字文
匡謬正俗	顏師古	二冊 內閣字府	五冊
唐詩金粉		五冊 同 謢解	一冊 午門朝見帖
唐詩粹錦		二冊 同 純粹抄	七冊 樂志論
唐本類書考		三冊 玄抄類摘	澤井史頭校 五冊 曹娥碑
唐詩冕	資衡	一冊 唐詩連錦	烏石楷書 一冊 大蘭亭記
唐詩紳	同	一冊 春秋非左	郝敬山 二冊 集義外書
唐詩履	同	一冊 詩學折臂	岡鳳鳴 一冊 明詩大觀
江吏部集		二冊 唐詩事類選	三冊 三體詩解

